

5563.7  
4030

BERKELEY  
LIBRARY  
UNIVERSITY OF  
CALIFORNIA

Opportunity



治無益如車馬難首創本精靈三余之趣景中  
有德有德曰德和曰德和曰德和曰德和曰德和  
松帶出結語直率大其趣三舍香主然恒率大其  
張以爲不而取外教備錄則德和曰德和曰德和  
所之斯短古人之短將不難煉其相精定有以爲  
部具計其與事素素香清豐合許香久入大  
中而然香對率大平率大端甚大可知其妙也  
皆然本而不爾長何好山由學不其妙也  
之也畢研矣風軒頃去其大也



之色澤似矣風神則未也其失也格躋而思窄令人  
欲投水而不顧是何故也由學不足以起其材也其  
中最深者惟李氏乎李氏微甚立所賤者流離困悴  
備見於詩其興寄清遠音節鏗琤合作者足以洗一  
代之陳賤古人之迹詎不偉歟其時許端甫深所推  
服以為不可及彼端甫輕儇借譽而自高恐不足為  
公許比諸端甫李氏其避三舍者乎然則李氏當何  
居焉謂之色崔白而正石洲庶幾其不僭也明尚書  
錢謙益收李氏數首編入詩逆註曰余從假某帥毛



所不棄吾東顧可以無傳乎慶州尹許堯叟得秘函  
本將梓而行請余以跋語遂以平生所嘗品者書以  
授焉

癸酉正月六日西河任相元撰







恭惟我 國家文運休明學士大夫以詩鳴者殆  
數十百家咸自謂人握靈旣之寶林然盛哉概而  
揆之則途有三焉其和平淡雅圖適均稱渾然成  
一家言者惟容齋相而駱峰及永嘉父子擅其華  
其次則曷大萃、富彥博材為一代大方家者如  
四佳佔畢虛白輩騁其雄又其次則峭崿峻峭締  
思徵巧以瓌瑋險絕為貴者如訥齋湖陰蘓相芝  
川諸鉅公衡其術茲俱躋矣然其優游敦厚饒正  
格高定軌於開天大曆者世數其人識者猶有所



憾云往在弘正間忘軒李胄之始學唐詩沉著奇  
麗而冲庵金文簡公繼起為韋錢之音二公足稱  
一班而惜也年命限之遠在隆萬間思庵相知尊  
盛李所詠頗清卻模楷雖不足以鼓舞收賴晚得  
崔白遂張大楚所謂影涉之啓劉項者非耶同時  
有蓀谷翁者初學杜蘓於湖陰其吟風既鴻渾純  
熟矣及交崔白悟而汗下盡棄其所學而學焉其  
詩本源供奉而出八乎右丞隨州氣溫趣逸芒屨  
語澹其艷也若南威西子炫服而明粧其和也若  
春陽之被百卉其清也若霜流之洗巨壑其響亮



鋪之璧坐璣馳鏗而厲之則瑟瑟而球戛抑而按  
之則驥頓而龍蟄徐行其所無事則平波涵然  
千里朝宗而泰山之雲觸石為白衣蒼狗實在開  
天大曆間瑕不廁王岑之列而較諸國家諸名  
家其不瞠乎退三舍矣翁地微人多不貴重之所  
著述累千篇皆散失無存不佞少日以仲凡俞問  
詩於翁賴識塗向及其死也惜其遺文泯沒不傳  
為哀平日所臆記者詩二百餘首謀歆木又從  
洪上舍有烟許續得百三十餘首令李君再榮合



而彙數類之為六卷云夫翁之詩度越國家諸  
名家豈待鄙文為不朽哉雖然掇拾遺詩期以傳  
千載者不佞心也其可汚佛首之消乎至於上下  
數百年評隲諸老以及翁者極知僭越而駭一時  
之人要之久則論定也夫豈無一人知言哉遂書  
此弁之翁姓李名達字益之雙梅堂之庶裔孫也  
孫谷其自號也  
萬曆戊午春

許端甫序

五言絕句附六言

別李禮長

桐花夜烟落梅樹春雲空芳草一杯別相逢京洛中

登驛樓

一片秋天月中宵生遠愁江南有孤客休照驛邊樓

畫梅

擁腫古槿在寒香知是梅前宵霜雪裡尚有一枝開

畫竹

脩竹半身折疎枝生老根從前烟雨裏幾箇長兒孫



詠畫

積雪滿山迎蕭々林葉飛渠家在何處日暝擔簰歸

其二

封著錦囊去童子隨山翁微涼起林葉滿山風景中

其三

船頭下魚層船尾槽漱石不知日早晚江烟沉翠壁

其四

江對濃陰合騎驢江上行漁舟向何處日暮風浪生

其五

新雨作夜重天昏江火寒舟人望伏乞寺前下江隄



雪壓茅簷山人稀邨迤微定是詩人住天寒不啓扉  
效崔國輔體四時

曉色珊瑚薦春寒翡翠簾歸來百花裏香露滿衣霑

右春

露濕薔薇架香凝荳蔻花銀床夏日永金井索浮瓜

右夏

玉階霜氣寒金闕流螢度靜夜間無人梧桐滴清露

右秋

綉幕怯寒威金屏護鸚鵡蕊間覓侍兒寶篆生香縷



右冬

芳林驛

西陽下溪橋落葉滿秋遙  
蕭蕭客行孤馬渡寒溪影

畫鶴

獨鶴望遙空夜寒拳一足  
西風苦竹蕭蕭滿身秋露滴

送人

五月櫻桃熟千山蜀魄啼  
送君空有淚芳草又萋萋

次栗谷韵贈僧軸

宿鷺下秋沙晚蟬鳴江樹  
歸舟白蘋風夢落西潭雨

戎道主人



上柳區壩

遙空日下山，曠野沉。樹每在別離間，令人歎不遇。

題金醉眠山水障子面

雲暗山千點，烟沈水一痕。漁舟迷去棹，莫是武陵源。

其二

遠岸起暝靄，寒江生白波。泊舟人不見，買酒入漁家。

其三

鶴上紫烟衣，飄飄古仙子。去入雲冥冥，天風吹不已。

其四



古澗水冷々山風松子落中有隱世人援槩坐苔石  
題畫

翁婦相欣々春來事耕作高車駟馬人誰識田家樂  
其二

采樵山澗中息肩山邊石遙々望家山不知山日夕  
別意

恨結丁香樹塵生翡翠裙願為江上石日々望夫君  
舟上別汲凡次韻

前望峽中踞回首江上樓纔分咫尺地已似夢中遊



嘉林別安生

山近夕陰重日西秋氣悲  
明朝百濟路回首是相思

錦江別鄭子慎

一樹棠梨葉風吹落滿庭明  
朝錦江水愁對暝山青

宿安州邨舍

積雪千山路孤烟一水村  
行人欲投宿殘日已黃昏

逢金重別

曲巷逶迤盡柴門古縣  
徇相逢何草々話別已西陽

題畫



古木葉已盡。山村秋水空。  
艤船人獨宿。風浪夕陽中。

其二

老樹梅花發。風鳴脩竹林。  
山人踏雪至。詩句費長吟。

其三

山洞春雲暖。山園春日遲。  
時傾竹下酌。同去看花枝。

其四

騎驢渡橋去。葉落秋山空。  
不知日早晚。烟嵐飛瀑中。

次韻

處困常歡若。居貧忘晏如。  
東風寒食淚。不覺滿衣裾。



其二  
遠靄鳥邊白，遙岑雲外青。  
干戈國南徼，欲語淚先零。

題金悅卿寫真帖

悅卿道高，下留影在禪林。一片水中月，千秋鍾梵音。

題畫帖

陰崖古驛存，行人夜投宿。  
犬吠白雲中，童子下山谷。

次尹恕中韻

京洛旅客雲，山何處家跡。  
烟生竹迳細，雨落藤花

題金養松畫帖

一行兩行雁萬點千點山三江七澤外洞庭滿湘間  
佛日庵贈因雲釋

山在白雲中白雲僧不掃客來門始開萬壑松花老  
楓岳晴雲

蒼々谷口山上有青楓樹有時起晴雲忽作山頭雨  
平沙曉月

山月照潭沙曙色明如素不復有人行獨有拳足鷗  
鐺澗村燈

喬木翳荆榛隔水却燈小秋機及催科不知山月曉



蓮塘夜雨

夜雨漲秋池，秋荷太多死。  
蕭蕭葉上聲，驚起鴈鵝睡。  
舞鶴暝嵐

似靄還非靄，如烟不是烟。  
每看山日夕，空翠滿山前。

南山冬栢

雪裡披雲錦，烟中傳豔粧。  
何如松栢樹，獨立傲冰霜。

覆亭納涼

覆樹濃陰合，開襟納遠風。  
誰知當暑客，渾汗路岐中。

暮浦歸帆

浦口帆歸穩江中水不波  
須從安處泊山外夜風多  
六言絕句

無題

黃鳥百轉千轉綠楊長枝短枝  
雕窗繡戶深掩悲臉  
愁眉獨知

其二

處多逢馬跡行且避車塵  
長安陌上花柳半是  
高官貴人

奉呈柳惔戎



別韓書狀

路經盧龍塞上相逢密城江樓手折垂楊欲別臨分  
脉々離愁

寄妓生

指下冷々秋水雲間裊々纖歌遙空獨去飛馬滿地  
吹來落花

黃州寄申子方

白帝飛書乞棠黃州作客多時相逢草々談笑還是  
悠々別離

無題

落日孤雲獨鳥前  
村古木寒烟居人去盡  
官道宿客行尋渚田

其二

去鳥遙空雲外行人獨  
木橋邊茅簷隱映殘雪  
門巷依稀冷烟



七言絕句

長信宮四時詞

別院無人楊柳齊  
早衙初散戟門西  
畫樑東角雙飛燕  
依舊春風覓故栖

右春

龍輿新幸建章宮  
十部笙歌後苑中  
深院綠苔人不見  
石榴花映曲欄東

右夏

玉虫銷盡暗缸花  
六曲金屏倚彩霞  
一夜西宮風雨

急滿庭紅葉晚來多

右秋

苑樹寒鴉凍不飛  
玉爐添炷篆烟霏  
君王早御通明殿  
宮女催呼進尚衣

右冬

平調四時詞

門巷清明燕子來  
綠楊如霧掩樓臺  
同隨女伴鞦韆下  
更向花間鬪草迴

右春



右夏

金井梧桐下玉欄  
琵琶絃緊不堪彈  
欲將寶鏡均新黛  
捲上珠簾恸早寒

右秋

錦幕圍香寶獸危  
曉粧臨鏡澁胭脂  
綉籠鸚鵡嫌寒重  
猶向簾間覓侍兒

右冬

送別柳揔戎

金河水合雪糝糊  
元帥巡邊徼不虞  
何處胡笳鳴月

裏北風吹送小單于

其二

紅蓮幕裡從遊客  
白髮愁中何處家  
杖劍轅門相送後  
獨歸山雪曉寒多

祭塚謠

白犬前行黃犬隨  
野田草際塚纍纍  
老翁祭罷田間道  
日暝醉歸扶小兒

拜新月

深閨兒女年十五  
拜月堂前人不知  
風吹蘿帶嘿無



平海日落大堤西  
花下遊人醉客迷  
更出教坊南  
駭家門巷白銅鞮

出塞曲

虜中傳出左賢王  
塞馬如雲殺氣黃  
已近居延山下  
獵磧西烟火照天光

其二

都尉分軍夜斫營  
漢家金鼓動邊城  
朝來更聽蹄胡  
說西下陰山有伏兵

其三

塞寒年、不見春朔。河飛雪壓黃塵。單于新寇雲中。  
戍夜鑿城門。召募頻。

錦帶曲贈孤以使君

商胡買錦江南市。朝日照之生紫烟。佳人正欲作裙。  
帶。手採粧奩。多真錢。

錦衣曲

鴛鴦機上紫花錦。剪下金刀作舞衣。更向春風歌扇。  
底。却愁身化彩雲飛。

江南曲



蓮葉參差蓮子多  
蓮花相問女娘歌  
來時約伴橫塘口  
辛苦移舟送上波

刈麥謠

田家少婦無夜食  
雨中刈麥林中歸  
生薪帶濕烟不起  
入門兒女啼牽衣

移家怨

老翁負鼎林間去  
老婦携兒不得隨  
逢人却說移家苦  
六載從軍父子離

橫塘曲

家住橫塘面埭邊  
常隨女伴采新蓮  
逢郎一笑成佳約  
綉戶雕窗楊柳烟

其二

濃家住橫塘口  
江鷺常時下晚沙  
過盡一年春事好  
簾隙慙對刺桐花

仙桂曲題月娥帖

一曲瑤琴秋恨長  
夜深燒盡水沉香  
多情更有西樓月  
步下金階滿地霜

附崔弘以次韵



降仙曲次青洞亭韻

三洲碧桃結千歲半白青  
鵝來一雙中天仙節降王  
母玲瓏瑞氣連雲窓

拾穗謠

田間拾穗村童語盡日東西  
不滿筐今歲刈禾人亦  
巧盡收遺穗上官倉

撲棗謠

鄰家小兒來撲棗老翁出門驅小兒  
還向老翁

道不及明年棗熟時

步虛詞

三角峩々髻上綃散垂餘髮過纖腰  
須臾宴赴西王母一曲鸞簫向碧霄

其二

青童結伴婉凌華  
夜下三洲小玉家  
閒說紫陽宮裏事  
玉階偷折碧桃花

其三

王母雲車五色麟  
白鸞前導向西巡  
天章曉奏虛皇殿  
仙桂花開八萬春



笑錄盡三天未見書

其五

玉簡金書道錄通  
紫皇新下藥珠宮  
仙官列侍排龍  
虎盡禮無諱  
兩穆中

其六

西嶽真君上紫微  
百靈奔走備威儀  
三清秘訣無傳  
授偷寫天章半夜歸

其七

羊城使者馭真符  
露佩肱前豁落圖  
直指扶桑催木  
帝及時傳語上清都

其八

三壇中夜講真經  
大集羣仙列下庭  
唯有老君修別  
殿手書雲篆送玄冥

江陵書事

三月江陵花滿枝  
折花還有去年悲  
傷心莫問東流水  
日夜悠悠三歇時

宮詞

平明日出毀明用鳳  
扇霞子引上來遙德  
太義宣召



宮牆處、落花飛侍女、燒香對夕暉、過盡春風人不見、院門金鎖綠生衣、

其三

中官清曉覓才人、合奏笙歌滿殿春、別詔梨園吹玉笛、御袍新賜錦麒麟、

許李臺口呼

碧波空、雲影涵、白鷗無數上苔巖、山花落盡不歸去、家在石峯江水南、

江陵東軒

水滿南塘生白烟  
小桃花發竹林邊  
自憐病客之間  
緒一度傷春似去年

成佛庵

西峰庵子近中天  
雲竇冷々落遠泉  
半夜懸燈客不  
寐老僧鳴磬禮金仙

山行閑外作

近水疎籬紅杏花  
掩門垂柳兩三家  
浮橋處々連芳  
草山路無人日自斜



西江漫興

江橋酒幔晚風斜  
一樹映籬紅杏花  
昨夜西潭菱子熟  
女郎時唱浪淘沙

題畫

寒林烟暝鷓鴣飛  
江上漁家掩竹扉  
斜日斷橋人去盡  
亂山空翠滴霏微

其二

綠楊閉戶是誰家  
半出紅樓映斷霞  
無賴流鶯啼盡

日晚晴明落花落多

其三

霜落天南雁叫羣  
荻花風起雪紛紛  
一行飛過瀟湘岸  
半落汀洲半入雲

其四

寒林葉脫見禽栖  
度一溪橋又一溪  
滿袖山風踏殘雪  
數竿斜日石峰西

竹頭庵

鏡浦湖邊人不行  
江門橋上月初生  
僧窓夜冷客無



江門橋上海雲起日在橋西橋景東遊人回首望初  
月兩岸松鳴湖上風

贈道人

講罷丹經啓石扉獨來松下倚松枝  
瑤壇夜久月華冷露濕山衣人不知

贈僧

海氣連山沉夕暉西庵鍾磬老僧歸  
懸燈一夜同僧宿清曉穿雲下翠微

三日浦

平湖解纜忽中流，一水萦回白鷺洲。  
三十六峰九十曲，不知何處四仙遊。

靈谷尋春

東峰雲氣沉翠微，澗道竹枝尋芳非。  
深林幾處早花發，時有山蜂來撲衣。

贈人

金鳳釵低雲鬢斜，獨閉金屋掃落花。  
愁來莫唱傷春曲，唱到傷春恨更多。

松京懷古



棄君之馬衣君衣萬里湖山雪  
正飛惆悵北行無送  
別興仁門外故人稀

鍾城道中

玉門關外雪漫山月照沙河亂石間  
何處悲笳鳴遠  
戍夜深遊騎射鵬還

磨天炭題院壁

四十之年鬢若絲  
向人羞道是男兒  
何時掛劍天山  
木虜酒千鍾飲月支

題壁寺

驪江三月孤舟還家在西潭雲水間  
烟生蘋渚鳥投樹花散石臺僧掩關

宿洞宮

風泉響落秋山空石門月出踈鍾後  
道人讀罷黃庭後夜掃天壇拜北斗

尋伽倻山

中天笙鶴下秋宵千載孤雲已寂寥  
明月洞門流水在不知何處武陵橋



花去年人至今年老

曉發孤山村

行人晚發孤山路日出未消衣上霜  
荒店開扉秣征馬石鐘馗火熟黃梁

尋金子佩山屋

長鬚擔酒帶山月山迳曉霜人不行  
老牛終夜豈其冷未到君家天已明

題睡軒壁

東嶺雲連西嶺雲須臾風作雨紛紛  
道人獨向山中

睡風雨山中睡不聞

挽南格庵師古

鸞馭飄然若木津  
君平簾下更何人  
床東弟子收遺草  
玉洞桃花萬樹春

病中打花對酒吟

花時人病閉門深  
強折花枝對酒吟  
惆悵流光夢中過  
賞春無復少年心

寄問鵝溪相公

離別江潭木葉稀  
至今魂夢更依依  
孤舟一去無消息



知是人間尸解身不須惆悵浪沾巾  
蓬萊海上東原路疑有碧桃千樹春

題明寺僧卷

古寺寒鍾鳴翠微子規啼歇恨依依  
南湖菱角已成刺三月行人歸未歸

贈樂師許億鳳

雙眉覆眼鬢蕭蕭曾按梨園紫玉簫  
移向瑤臺彈一曲終垂淚說先朝

西京

教坊南畔獨行遲樓閣重々處々  
疑明月滿街人寐  
寂夜深吹送玉參差

嘉陵道中

嘉陵北望接龜城歷數來途更遠行  
試向長林望津渡濕雲沉野不分明

題南塘

家住湖西楓樹林當時栖宿海山禽  
年々作客來京路每到君家說客心

送人從軍



送許功彥朝天

騎省郎官翰苑臣  
遠朝天子萬年春  
遼河小吏如相  
回報道東藩  
第一一人

其二

行盡遼西數十程  
磧沙無數鴈飛鳴  
回中日暝傳烽  
火時見陰山乍  
堆兵

其三

天街銀燭漏聲遙  
帝闕參差近紫霄  
別詔內庭宣宴  
罷百官朝  
下午門橋

送李觀松之龍灣

獵金風動塞關君今往  
何龍灣  
浪江南畔休回首咫尺君門隔萬山

送鄭士微點馬之京

霜落秋江木葉飛  
送君閑蹕更依依  
如今老去無家別  
九月西風近授衣

催粧戲贈較山

西宮李女玉危娘  
偷鴈雲謠閉洞房  
林禁著外人窺不  
得  
九華仙燭侍仙郎



斷彩寶中夜嘆文簫

別意

今朝離別出西関問我西歸幾日還  
郎若不歸空有妾身終上望夫山

湖南簡恕仲

湖南為客故人稀海鴈逢春更北飛  
欲寄一書相問訊不知飛向帝城歸

題僧軸

離家數日行山路春在花枝亦不多  
唯有惜春無限

意強扶衰病折殘花

洛陽有感

好爵高官處：逢車如流水馬如龍  
長安陌上時回首咫尺君門隔九重

其二

城闌參差甲第連五侯  
譚管沸雲烟灞陵橋上騎驢客不獨襄陽孟浩然

東郊訪許美叔

策馬田間路不平  
隔溪亭樹問春畊相逢各自客顏



遙望郊左淚滿巾五年壇榼數帶樽西州門外羊曇  
宅更有山陽笛裡人

巫山道中逢雨感懷

高林蒼巘帶斜暉路繞巫山死馬歸神女已知詞客  
至故教行雨濕征衣

控江亭

離人獨坐意悠悠木落寒江水驛秋閑海近來多悲  
別客行隨處倦登樓

成川贈京妓喂御史

蓮花隊裏舊梨園  
法部豐呈近至尊  
曾是太平極盛  
事不堪垂淚對郎言

其二

金泥香疊石榴裙  
怨入瑤琴拍下聞  
來往小庄巫峽  
裏幾回為雨更為雲

其三

生長京城十字街  
門前深貼小金牌  
如今亂離停歇  
舞筵裡時看玉燕釵

次僧軸韻



贈李會源

相逢自是亂離中  
滿目傷心市井空  
節物不隨人事  
變上林花柳上春風

上巳

長安宮闕雨新晴  
楊柳如烟拂綺城  
二月離家過寒  
食只今為客過清明

江行

踰繞江干十里長  
落花穿破馬蹄香  
湖山莫道空來  
往處詩新詩滿錦囊

贈申判官

正是春風三月天  
桃花如笑柳如眠  
罷官多少傷心事  
盡付瑤琴白雪絃

悼亡

粧奩虫網鏡生塵  
門掩桃花寂寞春  
依舊小樓明月在  
不知誰是捲簾人

卽事

驪江津吏具行舟  
三月烟花下急流  
不是平生舊相識  
人間離別揔關愁



援出阻俱是點兵人

畫

溪橋水急暝雲多  
古木蒼烟集亂鴉  
雲外小山青一  
秣夕陽明處有人家

贈別韓益之

楊山三月寒凝苦  
雪滿山川不見春  
明日西行首陽  
路肩輿穩侍大夫人

題蔡景一幽居

中和東面蔡君居  
農圃終場積有餘  
終歲任輸關稅

外間門無事看詩書

李仁瑞家催粧詩

金泥花襯綉芙蓉夜宴仙樓十二重  
催上玉釵紅燭爛錦屏羅幃步後容

贈權察訪仲明

中和一笑惜年情萬里乘槎自帝京  
今日大同江上話明朝還有義州行

送尹佐郎暉之上京

九月遼陽塞草腓朔風霜氣滿征衣  
行人欲近燕山



秦時猶築古長城  
飲馬河中窟  
才平萬里  
詔人深裡  
宿至今胡虜不窺兵

其三

蓬萊殿裡一陽生  
萬國車書會帝京  
東土使臣脩職貢  
奉天門外待鷄鳴

題畫

三月桃花開滿山  
泛花流水出人間  
慇懃洞口好相送  
此去孤舟何日還

其二

黃鶴樓前秋月明一聲長笛過江橫  
須臾曲盡鶴飛去更馭天風歸上清

送人八京

西關迢遞接秦京遠路逢春草又生  
家國破亡亂離後不堪垂淚送君行

呼韻

曲欄晴日坐多時  
問却重門不賦詩  
牆角小梅風落盡  
春心移上杏花枝

贈浙江人桂玉



秋夜淨友堂同李栗谷詩巨吟音

陰虫切、怨階莎孤燭燒殘夜氣多各倚小欄同不  
寐一池疎雨聽秋荷

題畫

簾幕蕭蕭小院幽一庭蕉葉雨聲秋池塘水冷荷摧  
折唯有鶯鶯立并頭

寄孤竹

東城迢遞望西城幾度相思兩地情明日離京汴江  
路磧沙紅葉盡秋聲

遊三清洞

仙磬寒、夜殿空、眾星遙拜白雲中、頑吏道士閑門、  
後一點香飄上界風

乞火

白馬津邊津吏住、縛茅編屋隱江隈、行人乞火扣漁  
戶、雪壓以籬門不開

送友人之京

弘農郭外日初斜、送子秦城更落花、関路迢迢寒食  
節、不堪為客遠離家



見淵地涼露濕蒼苔

題長沙伴綾陽幽居四時

新結茅茨覆石壇  
竹蘿苔迳翠微間  
柴門盡日無人到  
處處春雲生遠山

其二

二月春江春水平  
江沙如雪荻芽生  
兒童忽報河豚上  
艣尾持罾倚岸行

其三

四月江田大麥黃  
家門巷菜花香濃  
陰滿地日正

午竹簾  
藜床山夢長

其四

村南邨北雨晴初  
舍下瓜田手自鉏  
深巷日長無箇事  
樹陰移榻課兒書

其五

聯珠山下大江流  
江上層巒薜蘿秋  
沙岸刈禾村路遠  
屬林人語釣魚舟

其六

天際遙  
十二峰  
頭朝暮  
秋雲濃  
新霜一夜山中



江村雪後拾遺詩  
手笑看巾婦紫寒衣

其八

塵埋屋壁鴛鳥紗一笑歸來感歲華  
窗外小童來報喜水村微雪有梅花

杜山縣夜風雨感懷

三更風雨暗孤城  
樹風號葉聲  
板上海禽栖不定  
亂聲飛起雨中鳴

蔓菁浦望土亭舊業悵然作

夢著浦口呼舟子漁戶烟生日歛斜遙望土亭曾住  
處一行衰淚落紅波

雨後梨花

連日春陰閉院門夜深微雨隔簾間朝來自起開  
窗看滿樹梨花溫暖雲

咏梅欲開未開者

竹外梅花三兩枝步庭相對未開時只緣強被東風  
謔正似無言息國姬

寄梁伯林



次虜集和台簿景車音  
幸夷落盡刺桐開溪院無人燕子來蒨外綠陰春晝  
永繡闌東畔夢初回

路中憶蓀谷座示孤竹

家近青溪獨木橋  
邊楊柳弄輕條  
陽坡日暖消殘雪  
料得莎階長葉苗

對花歎老

東風亦是無台道  
萬樹花開人獨老  
強折花枝揜白頭  
白頭不與花相好

塞下曲贈柳摠戎

探騎潛窺虜帳邊  
漢兵深入過祁連  
前軍夜失陰山  
道大雪須臾沒馬韉

其二

一夜繁霜磧草腓  
護羌校尉戰新歸  
金瘡血迸逢秋  
氣哭望南雲臥鐵衣



丘山驛

獨自抱離憂，還登古驛樓。  
劍囊孤墳在，丹錦片雲留。  
鳥渡海門夕，蟬鳴閨樹秋。  
懷君不可見，匹馬向西州。

鏡湖次崔內翰大中韻

秋草仙臺古，烟湖水氣蒼。  
此身為遠客，明日是重陽。  
夕照寒沙浦，西風起海鄉。  
相携惜佳節，折插數枝黃。

贈鑑上人

憶昔中臺夜，同聞上院鍾。  
睽離二十載，雲樹幾千重。

洗鉢臨秋澗，攀藤度夕峰。  
相逢同年歲，各恆舊時容。

經廢寺

此寺何年廢，門前松迳深。  
嵐蒸碑坳字，雨漏佛湔金。  
古井填秋葉，陰庭下夕禽。  
不須興慨感，人盡幾消沉。

次允上人軸

送旅相逢處，清霜凋桂枝。  
扁舟廣陵別，數歲洛陽期。  
秋澗銅瓶汲，晨齋石鉢持。  
同尋海上寺，却憶聽鍾時。

送崔時中之京

行路難如此，夫君更遠征。  
寸懷夙昔薄，宦負平生。



東海尋梅遇寒香生處不覺春已過  
欲爲美人贈其如清夜徂沉吟佇立久片月隱城隅  
題孝里堂

有酒常邀客開軒急掃筵古  
遑留鶴跡陰砌上苔錢  
白髮悲人世丹砂隔洞天何當入海去携子學靈篇

贈性行上人

遠客惜芳菲暫過雲水扉  
烟林一磬出沙浦數僧歸  
古寺梅花落深春燕子飛  
鄉關正近遠猶自著寒衣

端川九日

朔吹沙榆落河閣驛踈斜客中逢九日馬上折蘼花  
飄梗無常處良辰倍憶家遙望孤城對隱悲笳

### 建登山

肅祖提兵日登臨馬蹄羣雄爭逐庶真主竟操鷄  
泣事烟霞古遺蹤草樹迷三韓歸一統功與此山齊

### 寧越道中

懷精客行遠千峰道踈難東風蜀魄苦西日魯陵寒  
郡邑連山郭津亭壓水榭他鄉上春色何處整憂端

### 次旌善郡板上韵



夜泊大灘

夜纔泊灘下水村霜氣凝枯查拾沙渚爨火乞漁燈  
病客孤舟夢寒江十月水辭家今幾日黃帽是親朋

次廬相國韵題龍寺僧軸

客裝隨水靜僧房枕山居村烟團野直江沫汰沙虛  
接物心肺在流年髣髴踈駟江連漢水覆鯉可傳書

別李季獻之京

別意不自制別情良可嗟海隅為客久關外送人多  
野岸花飛樹春橋水上波猶同子規鳥西淚濕林河

上思庵相公

帶劍淮陰市悲歌東路原城邊無漂母袴下有王孫  
斷雁遙空外秋蟲苦吟根難離生計何處覓桃源

雨川道中

策馬渡溪水行登古原秋色遍野稼石響滿山村  
風鶴墜林葉露華明草根今宵驛路月何處獨消魂  
渡渭江題栽松亭

背指孤城遠鳴榔渡客舟驛亭朝日晚江樹早鮮秋  
久滯常歸計臨行又別愁隨身無長物長嘯看吳鉤



庭院重陰合  
蘭麝市語收  
何時返鄉曲  
寄在海西州

公山逢宋廷玉

寇盜經年歲  
兵戈滿漢陽  
所親皆喪亂  
不敢問存亡  
西日瞻行殿  
東風八故鄉  
時危對君酌  
涕淚欲沾裳

上體察相公

宗社淪亡後  
臣民痛哭時  
官軍誓未日  
流血滿黃池  
未試青蛇劍  
誰張白鵲旗  
今逢亞相出  
終始繫安危

鎮南樓

聞道江華戍  
孤軍困海陬  
翱翔河上卒  
顛倒幕中籌

城闌腥塵暗山原殺氣浮人生有如此悔上鎮南樓

詠金重家牡丹

君家古牆下一叢紅牡丹朝受旭日照夜承零露團  
芳香空自守絕艷更誰看但使本根在沉冥保歲寒  
不夕

不夕柴荆掩多虞虎豹防拓窓看夜雪自牖納朝陽  
稚女寒泉汲貧妻豆粥嘗莫嗟流落久寓地即為鄉

梁山道中

匹馬梁山踞孤城郡邑開行人盡南踞何處是東萊



伊昔長安日春遊憶少年挾彈金市下走馬渭橋邊  
五十須臾過悲歡次第連還逢上巳節把酒意茫然

謝山僧惠松葉

永眠微仙秘靈神驗道方獨尋層嶂碧攀折老枝蒼  
雲碓舂時靜霞囊贈處香今朝試一吸五內發金光

襄陽道中

日暝襄陽道烟沉漢水濱獨行騎馬客不見弄珠人  
下渚多青草中洲采白蘋徘徊大堤上覽古一傷神

夜坐贈許端甫

旅病逢秋甚鄉愁到夜深  
暗蛩啼近壁涼露墮疎林  
久在洛陽客未忘江海心  
焚香坐不寐宮漏更沉沉

夜坐有懷

流落關西久今春旦未還  
有愁來客枕無夢到鄉山  
時事干戈裡生涯道路間  
殷勤一窗月夜々照衰顏

寄黃晦之

一夕秋風起千林葉振柯  
此時遷客恨何以度年華  
磧裡音書少天邊夢寐多  
山河正阻絕消息近如何

三登草堂



書李有厚壁

客久病不去春深花正開  
辭家今幾日到處接離杯  
曲巷蕭娘宅瑤琴卓氏才  
歸程有明月行爵不須催

定山東軒

野水八牆竇主人溪意存  
目能流處滿還愛靜中喧  
寐：古軒下冷：秋以根清  
宵聽不寐更覺滌昏煩

北臺登眺

北極臨羣峭懸雲一迤斜  
海山迷遠望松栝亂交河  
潤霞青藤葉山多白葛花  
只疑幽絕處唯有羽人家

次韻寄閔進士

結構連江樹，開簾對浦沙。  
遠山晴靄起，近水暝寒多。  
天濶看飛鳥，人閑數落花。  
青帘出漁戶，村酒可能賒。

次權進士韻

關外久流落，頻年政路間。  
自知為客苦，始覺在生難。  
此別無家別，千山更萬山。  
送君歸去後，還復掩柴關。

旅遊

行役愁難盡，淹留計已違。  
三更無客夢，一犬吠柴扉。  
落月窺虛廡，寒風動弊褱。  
明朝下江路，深謝主人歸。



送北諸金學士遊妙香之行

地理連玄武爐峰近玉京仙郎自有分道帙帶徑行  
空外聞香氣林間聽梵聲如逢綠髮叟再拜問長生

端陽述懷

今日端陽節令人憶故鄉松楸留塚墓隣里聚衣裳  
角黍殊方事菖醑舊俗觴旅旅臨曉鏡鬢髮更滄浪

贈別丁學官

與子遭離亂俱為失妾人時名文字誤交道笑談真

每厭移家苦長愁  
旅食貧此行成遠別  
安得不露中

呈柳摠戎

相見自有日相思知幾時  
樹間殘暑退庭際候虫悲  
久病貧常在云家歲屢移  
非君愛我意誰敢語交離

次韵呈金沙

京洛幾年別今來千里遊  
天涯長作客關外又逢秋  
落葉飛前浦斜陽下晚洲  
流離且貧病獨立萬端憂

寄問江界趙府使

一別經春夏雲山遠間之音容  
不得見夢寐寄相思



政室移桑挂吳天地位清涼  
道林山色清  
公案簿書息訟庭秋草生時  
鎖印後邀客看尊傾

秋山夕懷

返照八閭卷洞壑生秋容  
烟沉近溪水雲起遠山峰  
對此騁遊目可以盪心脞  
營中適無事觴爵坐高峯

贈韓察訪

歲暝客意從天寒閑塞深  
北風吹古巷西日下喬林  
以我念歸路對君生別心  
愁來作短句淒斷不成音

奉酬南窓

相思今幾日已及暮春時况是經年別還看一首詩  
東風芳草色新柳綠烟絲景物無愁恨長歌白苧詞  
黃州逢韓子善

南國干戈滿西関道路長相逢一年別各意兩心腸  
海近沙烟黑雲昏塞日黃艱危有離恨不覺涕沾裳  
奉送申令公之任江陵

嶺外江陵府雲沙近海城滄溟看日出廨宇聽濤聲  
乞郡親猶老為官衆所榮寒松鏡浦月回起舊遊情

次邀月堂韻



行子去留際主人眉睫間今朝失黃氣未久憶青山  
魯國鸛鴈饗征南蕙苾還秋風蘊季子又出穆陵關  
湖寺見僧軸有崔白詩愴懷有贈

出郭渡江水少年多往來每携崔白輩僧院課詩才  
舊友凋零盡流年次第催沈吟倚柱久西日下生臺

### 與友人期宿湖寺

獨出青綺門漸向江路分長松隱白雪亂壑生層雲  
自然慙野性不是去人羣相期一夜宿潭寺微鍾聞

贈僧

一宿招提境如來梵席同春山花影裡古寺水聲中  
回法心如幻探禪性即空干戈時未定漂泊各西東

茂長道中

六月長沙踰歸人觸暑行孤村逢暝雨獨坐聽流鶯  
在世長為客行年已半空何時竹林下棲息掩柴荆

贈友人

江樹葉聲薄江樓秋氣深流年不可住遠別獨傷心  
留滯愁難盡風霜病易侵聊將未歸意與子共長吟



贈性庵別

百濟興亡地千年棟宇存山河餘霸氣鍾梵鎮禪門  
照佛香燈冷留人土突溫江南見春物芳草寄離魂

過扶餘百懷

喬木城池變官牆縣邑居山河百戰後籬落幾却餘  
古崖碑文毀荒田土脉疎成忠墓何在駐馬獨欷歔

弘農城外別李佐郎子張

共意何南國經年之上京春風吹別恨荒草繫離情

古驛連殘雪斜陽下晚城君行六千里寂寞旅魂驚

南州示孫使君

曲巷連官道開窓野望迷歸心浩氣托芳尊日暮  
海近沈沙瘴潮生長渚泥時看壁上句太半病中題

病懷寧城作孫使君

筋力嗟無健悠々病後愁清人纔倚杖為客倦登樓  
嵐重遙山夕涼生古木秋途窮賴知己賓館強淹留

聚遠亭示靈茂二使君

縣邑臨湖岸高亭出迤斜望中平野盡晴後遠山多



風雨書齋破園阜蔓草深徑營許多事誰識九原心

扶餘道中

歇馬荒岡下溪行亂石間  
早蟬鳴驛樹孤客憶鄉山  
白髮悲明鏡丹砂負大還  
西風弊裘在更出穆陵關

次思庵韻

旅食連旬朔離憂更萬端  
片帆隨估客明月下江灘  
水淺魚梁歎沙崩草荒寒  
西風弊裘在安得寸心寬

宿道泉寺明月寮

鍾梵僧歸院茶床客定樓空山明月滿深夜子規啼  
隱隱來金鐸冷送石溪披衣步荒砌草露濕淒淒

數月

數月遊南國新霜滿鬢端全家寄京洛食歎艱難  
長銖彈何益陰符置不省唯餘窓落意長嘯倚闌干

贈僧普元西歸

患氣妨宵臥高樓聽晨鍾逢僧身自適俗事多慵  
落葉迷行迹孤舟杳去蹤西歸問法日栖息定何峰

寄鶴洞



佛曰廣成曰厚

鶴逕通真界玄都訪紫壇  
蒼巖懸瀑瀉碧殿午鍾殘  
洞秘三珠樹囊留九轉丹  
如引芝蓋過空外玉雨寒

雙溪寺

洞裏雙溪寺雙溪對石門  
山開赫居寺水接武陵源  
青鶴巢猶古丹砂井未渾  
孤雲碑尚在讀罷一銷魂

贈道義上人

東嶺隨緣往南宗熟道機  
翻經閑室久掛衲下山稀  
林磴鳥初宿洞門春欲歸  
溪頭好相送花露濕禪衣

到帶方府示府伯

東土辭貧業而鄉仕遠遊春陰垂野樹暝色上城樓  
行盡有難策在生無善謀誰能一斗酒送我馬離愁

龍成酬唱

浴下不得見相逢春後期而來仕客久舉目無親知  
烟起水橋暝露重花枝半聚散莫可愁迢迢長別離

安州地奉送具士諫還朝

久客淹閑外蕭然同草廬多慚諫議長却同老人居  
極浦潮生後高峰日上初秦中有歸使時寫數行書



錄永生忘

客裡身全老，愁中鬢已華。  
冥春言少慘，曠寒多鄉國。  
山川但涼年，節序過夏添。  
衰病甚歸計，正蹉跎。

其二

強病誰相回，終朝獨掩門。  
斷雲迷磧，封連鴈過江鄉。  
幸此存知己，因之欲贈言。  
到君賓館日，猶似到鄉園。

別沈秀才大亨律詩

避地來西海，携家又北還。  
艱難如舊日，漂泊到今年。

旅食嗟無繼，安危且未然。  
何人多踟躕，乘馬更迢迢。  
去路花飛樹，離亭柳拂烟。  
送君愁絕處，同我恨纏綿。  
偶逢干戈際，投柶水石邊。  
峽泉旁遠汲，山迳若循緣。  
未補編蓬屋，全荒種秫田。  
時日過江使，消息幸相傳。

詠柳家弘雅

紫塞胡霜重，南天暖氣通。  
孤飛水雲外，誤墮蔚羅中。  
飲啄隨人意，栖遲眼路窮。  
浦沙眠夜月，烟渚戲蘆葦。  
接翅翻遙海，聯行叫遠風。  
長愁弋者矢，徒避隼徭弓。  
性靈如此生，身本不佞公。  
念羣渠獨盡，無患爾何豐。



作客沉冥困逢君笑語歡  
葉成驚翠密花謝惜紅殘  
把酒臨池館聽歌步野壇  
同遊易消散告去而辛酸  
極浦乘潮滿長鬚策馬單  
海山回望失江峽上雲千  
翳樹索門掩穿林磴路盤  
相思不可見只願且加餐

孫谷集卷之三終



題衍上人軸

東湖停棹暫經過  
楊柳悠々水岸斜  
病客孤舟明月  
在老僧深院落  
花多歸心黯々  
連芳草鄉路近  
滿  
遠波獨坐計程  
雲海外不聞西  
日聽啼鴉

贈行思

曾打河橋練柳枝  
東風芳草更相思  
重逢京洛一節  
竹依舊行裝千  
首詩深院落花  
春雨後滿林啼  
鳥客  
愁時孤舟為繫  
西潭月邀我且  
有宿期

湖南客中

江南三月聽歸鴻，夜坐頻書咄咄空。  
千里客情燈影裡，一年花事雨聲中。  
丹爐久廢知無術，白髮偏生不  
合行。路難行只如此，掩門高卧是英雄。

松京懷古

操觚搏鴨盡青丘，五百年來王氣收。  
天命有歸難免，穀人思會豈無謀。  
宮前輦路生秋草，臺下毬庭放  
夕牛。唯有御溝南畔水，至今嗚咽送寒流。

挽孫明府



欲銷京口閉門秋色裏滿庭黃葉雨兼

### 題金山浦

萸菊浦口瘴烟深處、城濠松楸林積雨連、白雲館  
毀恆雲埋日、成樓沉長杠擔水歸鹽竈脩竹環山見  
海禽遙望鄉關、一千里逢人空說遠遊心

### 善山道中

西風吹葉、聲乾長路悠、厭馬鞍轂口在京家食  
窘一身多病旅遊、難河橋雁度清霜近園草螢飛白  
露寒獨倚詩囊、遙夜盡計程呼說小童頑

曉行板橋村

水關西路聽鷄鳴  
嶺月初沉曉霧平  
人響回聞崇簷  
語馬蹄連上板橋  
迤邐漸喜鄉山近  
預備偏知旅態  
生更下長陂說徒侶  
天明須趁及先行

送林子順觀嶺南左兵營

營幕寧親令子歸  
海雲開盡雁南飛  
將軍出令收雕  
劍都尉巡兵掛鐵衣  
關路亂山連遠近  
馬蹄秋草歇  
芳菲臨歧恠頻調  
張庾嶺梅花驛使稀

送客出西郊簡寄楊根使君



上歌間說使君新下令  
近來官政拙催科

暮春尋寺

春山處處聽溪行  
古寺僧期趁晚晴  
深樹鳥鳴時送響  
滿林花發不知名  
身依法侶塵緣盡  
手把仙經道氣生  
更宿中窠取高頂  
月明鍾磬上方清

寄回許典翰

甲山西北接陰山  
鳥道懸雲不可攀  
遷客此行何日到  
家書時寄隔月還  
長聞刁斗城堦裡  
但見鼃貂樹木間  
聖代豈終才子棄  
莫教三十髮成斑

渡清川江

安州城外水如天，立馬沙頭暖渡船。  
帆帶晚烟依草岸，雁迷殘日下蘆田。  
長途旅客思歸計，內老筋骸憶少年。  
始信在家貧亦好，近來雙鬢轉蕭然。

上龜城林明府

八月邊霜近授衣，北風吹葉鴈南飛。  
誰憐范叔寒如此，自笑蘓秦困不歸。  
家在海西音信斷，客來關外故人稀。  
燈前整結思鄉夢，秋水煙沉舊釣磯。

書懷



詠雪奉呈虛舟

頑雲昨日凍陰昏  
曉起開牕雪擁門  
誰任灞橋驢背興  
正銷山店客中魂  
初隨去馬迷荒野  
旋逐歸人暗遠村  
更想郡齋無一事  
可能呼酒對芳尊

獨坐感春呈虛舟

繁陰漠漠日沉昏  
病客傷春獨閉門  
愁坐不禁花爛漫  
老來無復舊飛翻  
留連世事多千變  
孤負年光又一言  
太守政清還有興  
肯將邀我酒盈尊

登清遠樓感懷

山郡層樓壓小塘晚風吹度芰荷香雲生遠樹嵐光  
媚江帶平林水氣蒼千里倦遊成老大七年多難獨  
悲傷沉吟徙倚危欄久湍樹歸鴉近夕陽

留別洪君瑞

一別嘉林已十年重逢顏貌海西邊交遊散盡無多  
在同學飄零問幾全落日烟空愁去鳥故山雲木寒  
啼鴉明朝又是懷歸路兩地相思各惘然

奉別權負外書狀之行



贈別韓景洪

西街曲巷尹家庄，每到尋常把酒觴。  
全盛舊時如夢寐，亂離今日更淒涼。  
短衣調塞風霜苦，匹馬秦京道路長。  
往事悠悠問無處，送君安得不沾裳。

江東逢金基祿話舊

原州賓館昔留連，屈指于今二十年。  
筋力自嗟衰謝後，歲時長憶亂離前。  
他鄉物色干戈際，故國山河夢寐邊。  
從此相逢更相別，不堪回首意茫然。

江東贈主件洪子敬

缸花結燼明還翳此夕愁人枕未安久別自然歡  
少遠遊偏覺旅情難荒村月黑枕聲惡碧苔霜  
陂鴈影寒多病近來消瘦甚不堪重著故衣冠

登白華山

西嶽中天迥絕塵雲臺遙禮望仙真蓬山弱水三千  
里王母幡桃一萬春此去微茫無定所何來清淺問  
誰人何當更馭冷三氣遍歷扶桑若木津

次鄭文學令公韻



奉送李鵬溪宣慰之行

文星辭下紫鵞頭，鳳闕晴霞濕翠樓。  
霜落海田孤驛晚，葉飛閩樹亂峰秋。  
地連遼左生寒早，江出虔中積氣浮。  
王事獨賢須努力，朔風吹弊黑貂裘。

次長律韵

石崖松老倚風潭，陰嶺冷響遠含。  
一壑雲霞還黛色，萬家桃李尚紅酣。  
時聞道筮書長滿，獨伴林僧席共參。  
已向巖亭成野趣，日斜蘿迳聽樵談。

降仙樓夜懷

迢迢朱欄倚碧城  
滿天星斗夜雲輕  
一千里外身何  
遠  
十二峰前月正明  
多病未能成  
峽夢獨來猶自聽  
江聲  
仙居不必求他界  
何處猿山有玉笙

奉寄月汀大人

天涯熟食適清明  
異地淹留見客情  
京洛數年消息  
斷  
別離中  
夜夢魂驚  
萬官已自歸  
勲業造物終須忘  
盛名從此春風  
無限好  
有山何處不歸耕

平壤感懷



立春吳體

江東客裡逢立春，節物風光愁殺人。  
盤中生菜不可食，門前柳條還欲颺。  
西塞獨身遠，香南國多兵塵中。  
與宗社大臣在，悵望涕淚沾衣巾。

客懷

此身那復計西東，到處遊轉蓬。  
同舍故人深落後，異鄉新歲亂離中。  
歸鴻歎度千峰雪，殘角聲飛五夜風。  
怡悵水雲閣外路，漸看芳草意無窮。

謝勸上人

新家峽裏老農居  
田圃收功不願餘  
百計謀生無上策  
數詩排悶有中書  
秋晴林迺時行藥  
雨後溪潭見釣魚  
惟有野僧知我意  
近來栖息問何如

贈平壤少尹韓仲亨

西関舉目四無親  
顧影依、只一身  
王粲未歸為客久  
馬卿多病本家貧  
青雲滿路皆新貴  
白首重逢是故人  
待取明年二三月  
古城烟柳渭江春

寒食



變聲始覺  
年同逝水  
任他華髮  
白千莖

寄安州牧使金德誠

今年花費去年枝  
節過清明老更悲  
溪院鳥聲春雨後  
亂山嵐氣夕陽時  
行尋小徑披新草  
臥看前山改舊詩  
不有使君恩似海  
此身那得久於斯

過鳥巖聞杜鵑有感

隴坂漫漶水悲涼  
旅人南去馬行遲  
辭家正欲懷吾土  
八峽那堪聽子規  
千嶂不分雲起處  
數聲猶告月沉時  
杜陵無限傷心事  
直到涪州別有詩

白馬江懷古

百濟興亡歲月遙  
斷雲殘照見漁樵  
山河伯氣全消歇  
朝市餘聲已寂寥  
正殿君王嬌醉夕  
下江風雨滿歸潮  
龍食白馬千年恨  
汀草汀花未解嘲

無題

瑤絃纖縷合歡床  
暖壓紅錢小洞房  
夢覺秦樓分翡翠  
日沈湘浦斷鴛鴦  
粧鈿寶月明珠綴  
腰帶盤雲瑞錦囊  
十二斜行金鴈柱  
碧紗如霧掩秋香

守歲新潭夜分韻



樹梢不啻離人易，悵使君於此亦魂銷。

病滯題寧城池樹

湖南留滯又湖西，歸路千山夢亦迷。  
近日形容愁病旅，經年消息愧貧妻。  
關河行色看詩草，池院秋晴檢藥題。  
盡夕無人來問我，不堪庭樹露凄凄。

夜行驪江感懷

杖劍西風別路長，獨行無語過沙梁。  
孤城斷角鳴江郡，深夜寒霜滿水鄉。  
酒肆舊勞司馬疾，藥囊新換越人方。  
依稀月下橋邊石，莫是當年濟北黃。

戊辰清明出遊

清明門巷柳絲斜  
客子閒行信馬過  
芳草野橋春水在  
亂山江郡夕陽多  
耕夫飽餉林間語  
潯女條桑陌上歌  
處、田原民樂業  
近來官政拙催科

逢黃廷式令公贈別

一別東陵眼幾寒  
中間消息杳雲端  
尋常夢裡長相見  
邂逅尊前不盡歡  
佳節已驚寒食過  
病身偏覺旅遊難  
明朝又是關河別  
芳草離、映馬鞍

偶吟



氣饒明日甌山歸去路野橋秋草正迢迢

次雙阜相公舊寒樓韻

仙侶飄然下翠樓夜香輕泛玉搔頭千盃沽酒人和  
醉一隊霓裳曲未收明月滿天分上界長風來席馭  
春遊三清洞府還疑此方士金丹不外求

龍城次玉峰韻

數月離家音信稀惜春還賦送春詩杯樽坐久南樓  
好河漢更深北斗移飛絮落花空定處倦遊良會上  
同時相逢各自東西去芳草淒淒無限思

其二

清溪雨後起微波，楊柳陰陰水岸斜。  
南陌一尊頑盡醉，東風三月已無多。  
離程處，王孫草，門巷家，松  
花流水落天涯。為客久，不堪中夜聽吳歌。

次權進士韻

夜氣冷，生靈烟，碧空花月小樓前。  
簷楹恍若虛無裡，笙鶴如閒禦道邊。  
三島真人來上界，九天仙醴醉瓊筵。  
明朝却憶今宵興，浮世功名始可憐。

成川題詠



去稀遙望故園腸欲斷不知流淚已沾衣

箕城贈朴生

洛陽年少賈生如一笑相逢未見踈遊俠莫提三尺  
劍好儒須讀五車書客來關外流離久家在秦中喪  
亂餘若訪老夫何處住大同江畔向樵漁

孫谷集卷之四終



古風

斑竹怨

二妃昔追帝南奔湘水間有淚寄湘竹至今湘竹斑  
雲深九疑席日落蒼梧山餘恨在江水湣兮去不還

采菱曲

南湖采蓮女日二湖中歸淺渚菱子滿深潭蓮葉稀  
蕩舟不慣手水濺越羅衣念心却回棹葉底鴛鴦飛

尋崔孤竹坡山宅

累月抱睽曠及此喜相尋田廬樹木下瓜蔓懸秋林

主人固無恙，貧窶不嬰心。  
怡然坐庭草，為我奏鳴琴。  
琴盡即還別，恨：恨猶襟。

夜懷咏韻

秋夜與君別，秋天適無月。  
成蟾臂九折，面恥何曾雪。  
處去忘太繁，所懷無由發。

降仙樓次泥丸韻

月明露華白，夜靜秋江深。  
仙閣一杯酒，冷：三尺琴。  
不是感時節，自耽傷我心。

淮陽府簡寄楊蓬萊



夜來聞雨留坐忘使君別

翳：夜雲合淒：秋氣悲秋霖晦平陸樹梢風更吹  
蟋蟀感庭宇道途傷別離乖自此始欲語淚雙滋  
行當投弊廬未久復來茲去住盡還旅遲：何所為

咏韓石峰五松亭

牛峰古縣東中有石峰居手植五株松自然斧斤餘  
清陰散水石枝幹相扶疎主人崖中坐發嘯長而舒  
有時或遊藝把筆臨道書山陰無羽客撥鵝知何如  
寒聲起硯几翠色襲衣裾傲然澹忘歸日夕捫樵漁

永結歲寒盟此心不負初

錄示李使君巨容

情：抱離憂耿：懷歸路官齋數日留恐子廢公務  
華國臨清池新荷滿地布用筵削衆賓觴酌頻舉屢  
高文爰醉餘詩興到章句是時四月初原野霽時雨  
深林轉黃鸝渚田飛白鷺茲焉屬良時聚散知有數  
明發首前途秉情何誰訴

其二

少年一爲別微音猶聞阻中間遭亂離死生不知處



室中無所親骨肉唯季女逢君宰海邑時快啓寒暑  
華池荷出水盡簷燕新語悲歡雜談謔一酌觴屢舉  
老夫自無棕窮愁固多緒從前鬱鬱懷盡內尊前紓  
流離得歸依託身知有所交情克終始爲我真幽墅  
歸心正遷次別語太忍遷重來更有言匹馬從此去

憶昔行贈申正郎潔

憶昔亂離初身在洪陽城。遷數百家鷄犬亦不寧。  
夫君正年少氣爽金天精清東任軍號募義來聚兵。  
兵糧未易辦慷慨淚沾纓力微志猶堅時危事不成。

千時屬遑。朝野聞笑聲。焚燒及宗社。况問閭里氓。  
寇賊不知數。灰燼餘兩京。郊原血漂流。道踟屍縱橫。  
萬姓如鳥散。竄伏各偷生。厲疫忽潛遘。死亡逾戰爭。  
嗟。天子聖命將出東。旌旗蔽長空。炮火雷電聲。  
省亭箕王都。破竹遊刃迎。漢京賊先遁。大駕隨台卿。  
草創朝儀在庶見。王都清一旅。復夏業。簡策傳諸經。  
無忘在莒心。日。望聖明朝。廷共協力。臣子盡忠誠。  
誰能夏多事。從此致昇平。



歌

漫浪舞歌

奇乎哉漫浪翁海山中栖霞弄月神想雲鴻說劍白  
猿學舞青童蓬山謁金母脚下乘天風瓊筵寶幄敞  
華堂繡衫鈿帶羅衣香鴈吹簫方響鼓簧翁欲舞袂  
飄揚一拍手始舉鵬寧兩翼擊海浪遠控扶搖勢再  
拍衫袖旋驚惡電飛青天三拍四拍變轉不可測雷  
龍騰席攫相奮搏倏若箭離絃疾如駒過隙前傾後  
倒若不支左盤右盛如不持神之出步鬼之沒出沒

云時霹靂揮斧風雨聲怒東海上金剝一萬二千多  
少峰丘壑騰踞巖壑巖窾最高毗盧峯插空層崖倒  
挂藏九龍懸流萬尺洗玉壁噴石三百曲此翁得之  
毫髮盡移眩中獨奪造化妙長袖蹠躡性所好向來  
這前千萬狀會與此山爭豪壯奇字步漫浪翁渾脫  
何時窮眼不與公孫大娘生同時舞劍哭決雌雄立  
上無張顛誰能學奇字縱使公孫大娘生同時公孫  
大娘未必勝此

柳搖戎紫騮馬歌



矯合變化十二閑中聲藉威興巡察張仁子遠  
致關西節度使關西節度得之驚且喜身命從今托  
之翁樞上惠養無不至他日期為戰場利啖之以棗  
脯喂以玉山之豐禾轅門斬卒不敢騎錦韉韞出驕  
鳴頽影竦躍何矜誇紅絲窳地長尾垂紫毛如烟膩  
凝脂張公憂國柳公同以義與人成大功邊陲近來  
寂多事不是尋常朋友賜金河水合碧蹄碎馳騁橫  
行動紫塞揚鞭蹴踏朔風起所向無前盡披靡盡戟  
離戈塞日黃鳴笳疊鼓遶雲長將軍據鞍頽眄目

中已久無陰山。胡虜遠遁去，深入回中不知處。  
紫駝馬，甬神駿。龔主將軍一身忠義之英俊，人亦戀  
馬。亦戀主將軍與之同生死，周家天子八駿中飛  
鴻絕景何足比。

新知樂贈申施甫德濟

新知樂反勝舊知，惡白頭如新相傾。蓋若舊欣相識，  
楊山館裡晚得君。未及千金輕一諾，君才凌厲不可  
當。匣裡秋蓮光吐顰，珊瑚交影玉樹枝。翡翠相連金  
粟錯，潤如滄海生蚌珠。動似秋天整雕鶚，高攀仙桂



不足貴王章何以佐大病入膏肓思之念大藥時危  
何日見昇平兵火多年遠漂泊生涯宛似凍草枯身  
去還同秋葉落寒驢到處足酸辛深峽歸家空寂寞  
人民城郭是非間千載去作遼東鶴

百祥樓

百祥樓臨江水  
：：：：來不已  
潮來投江渚  
潮去  
露江樹潮生潮落  
倚樓時遠渚蒼  
：江日曛

関山月

関山月  
：出関山照秦京  
郎君遠何秦京道  
何處登



樓見月明郎有心  
妾有情獨自隨君  
千里行長相思  
淚縱橫

三五七言

金井桐玉壘空遠  
天出明月高樓生  
夜風郎君獨何  
長安道芳草年三  
恨不窮





